

修正課程標準適用

新編
高中國文

宋文翰
張文治
編

第二冊

上海中華書局印行

民國二十六年二月初版
民國二十六年二月初版

修正課程標準適用

新編高中國文（全六冊）

◎第二冊實價國幣六角

（郵運匯費另加）

編者

宋文 張文 治翰

發行者

中華書局有限公司
代表人 路錫三

印刷者


上海中華書局
澳門印刷所

總發行處

上海中華書局
福州發行所

分發行處

各埠中華書局



有權作著 不准翻印

修正課程
標準適用

新編高中中國文

第二冊

目錄

頁數

一	過秦論	賈誼	一
二	論貴粟疏	黽錯	七
三	獄中上梁王書	鄒陽	一一
四	七發（觀濤）	枚乘	一八
五	長門賦	司馬相如	二三
六	項羽本紀	司馬遷	二七
七	屈原列傳	司馬遷	四三
八	太史公自敘	司馬遷	四九
九	戰國策目錄序	劉向	五四
一〇	解嘲	揚雄	六〇
一一	自紀	王充	六九

一二 古詩十九首之五.....七七

一三 蘇武傳 班固.....八〇

一四 封燕然山銘 班固.....八八

一五 郭有道碑 蔡邕.....九一

一六 務本論 王符.....九四

一七 三游論 荀悅.....九九

一八 樂府歌辭一（五首）.....一〇二

一九 自明本志令 曹操.....一一〇

二〇 典論論文 曹丕.....一一六

二一 與楊德祖書 曹植.....一二〇

二二 登樓賦 王粲.....一二三

二三 王粲傳 陳壽.....一二六

二四 馬汧督誅 潘岳.....一二二

二五 弔魏武帝文序 陸機.....一三九

二六 歸去來辭 陶潛……………一四三

二七 蕪城賦 鮑照……………一四六

二八 班超傳 范曄……………一五〇

二九 黃憲傳 范曄……………一六〇

三〇 世說新語六則 劉義慶……………一六三

三一 詩十首 曹操等……………一六八

三二 體性 劉勰……………一七五

三三 情采 劉勰……………一八〇

三四 詩品序 鍾嶸……………一八三

三五 文選序 蕭統……………一九〇

三六 水經注四則 酈道元……………一九六

三七 洛陽伽藍記三則 楊街之……………二〇四

三八 與詹事江總書 陳叔寶……………二〇九

三九 哀江南賦序 庾信……………二一二

四〇	樂府歌辭二（十首）	一一八
----	-----------	-----

四一	請正文體書 李 諤	一二二
----	-----------	-----

	文章法則——（文法之部續）	一二七
--	---------------	-----

一	形容詞的特殊用法	一二七
---	----------	-----

二	副詞的特殊用法	一三一
---	---------	-----

三	連詞的特殊用法	一三四
---	---------	-----

四	介詞的特殊用法	一四〇
---	---------	-----

五	助詞的特殊用法	一四五
---	---------	-----

六	變句的組織一——倒置上	一四九
---	-------------	-----

七	變句的組織二——倒置下	一五六
---	-------------	-----

八	變句的組織三——省略	一六一
---	------------	-----

九	變句的組織四——變化	一七〇
---	------------	-----

修正課程
標準適用

新編高中中國文

第二冊

一 過秦論

賈誼

秦孝公據殽、函〔一〕之固，擁雍州〔二〕之地，君臣固守，而窺周室，有席卷天下，包舉宇內，囊括四海之志，并吞八荒〔三〕之心。當是時，商君佐之，內立法度，務耕織，修守戰之備；外連衡〔四〕而鬪諸侯。於是秦人拱手而取西河〔五〕之外。

孝公既沒，惠王、武王〔六〕，蒙故業，因遺策，南兼漢中，西舉巴、蜀〔七〕，東割膏腴之地，收要害之郡。諸侯恐懼，會盟而謀弱秦，不愛珍器、重寶、肥美之地，以致天下之士，合從締交，相與爲一。當是時，齊有孟嘗，趙有平原，楚有春申，魏有信陵〔八〕——此四君者，皆明知而忠信，寬厚而愛人，尊賢重士。——約從離衡〔九〕，并韓、魏、燕、楚、齊、趙、宋、衛、中山〔一〇〕之眾。於是六國之士，有寧越、徐尙、蘇秦、杜赫〔一一〕之屬爲之謀；齊明、周最、陳軫、昭滑、樓緩、翟景、蘇厲、樂毅〔一二〕之徒通其意；吳起、孫臏、帶佗、兒良、王廖、田忌、廉頗

、趙奢^{〔三〕}之朋制其兵。常以十倍之地，百萬之眾，叩關而攻秦。秦人開關延敵，九國之師，逡巡遁逃而不敢進^{〔四〕}。秦無亡矢遺鏃之費，而天下諸侯已困矣。於是從散約解，爭割地而奉秦。秦有餘力而制其敵，追亡逐北，伏尸百萬，流血漂鹵^{〔五〕}；因利乘便，宰割天下，分裂河山；疆國請服，弱國入朝。

延及孝文王、莊襄王^{〔六〕}，享國日淺，國家無事。及至秦王^{〔七〕}，續六世^{〔八〕}之餘烈，振長策而御宇內，吞二周^{〔九〕}而亡諸侯，履至尊而制六合^{〔一〇〕}，執捶拊以鞭笞天下，威振四海。南取百越之地，以爲桂林、象郡^{〔一一〕}，百越之君，俛首係頸，委命下吏；乃使蒙恬北築長城而守藩籬，卻匈奴七百餘里，胡人不敢南下而牧馬，士不敢彎弓而報怨。於是廢先王之道，焚百家之言，以愚黔首^{〔一二〕}；墮名城，殺豪傑；收天下之兵，聚之咸陽，銷鋒鑠鏃^{〔一三〕}，以爲金人十二，以弱黔首之民。然後斬華爲城，因河爲津^{〔一四〕}，據億丈之城，臨不測之谿以爲固。良將勁弩，守要害之處；信臣精卒，陳利兵而誰何^{〔一五〕}。天下以定，秦王之心，自以爲關中之固，金城千里，子孫帝王萬世之業也。

秦王既沒，餘威震於殊俗。陳涉^{〔一六〕}——甕牖、繩樞之子，甿隸之人，而遷徙

之徒，^{〔三七〕}才能不及中人，非有仲尼、墨翟之賢，陶朱、猗頓之富^{〔三八〕}——躡足行伍之間，而倔起什伯^{〔三九〕}之中，率罷散之卒，將數百之眾，而轉攻秦，——斬木爲兵，揭竿爲旗，——天下雲集響應，贏糧而景從^{〔四〇〕}，山東豪俊，遂並起而亡秦族矣。

且夫天下非小弱也；雍州之地，殽、函之固，自若也。陳涉之位，非尊於齊、楚、燕、趙、韓、魏、宋、衛、中山之君；鉏耰、棘矜^{〔三一〕}，非鏐於句戟、長鎗^{〔三二〕}也；適^{〔三三〕}戍之眾，非抗於九國之師；深謀遠慮、行軍用兵之道，非及鄉時^{〔三四〕}之士也。然而成敗異變，功業相反也。試使山東之國，與陳涉度長絜^{〔三五〕}大，比權量力，則不可同年而語矣。然秦以區區之地，千乘之權，招八州^{〔三六〕}而朝同列，百有餘年矣；然後以六合爲家，殽、函爲宮，一夫作難，而七廟墮，身死人手，爲天下笑者，何也？仁義不施，而攻守之勢異也。

【題解】

過秦論者，論秦代措施之過失，借以諷漢，其要旨見於篇末二句。原文分上、中、下三篇：

上篇過始皇，中篇過二世，下篇過子嬰。今錄其上篇。

【作者略歷】

賈誼，漢洛陽人。年十八，以能誦詩書屬文稱於郡中。文帝召爲博士，時年二十餘，

歲中超遷爲太中大夫，請改正朔，易服色，制法度，興禮樂；絳、灌（謂絳侯周勃及灌嬰）等讒沮之。蓋其時盛行黃老之說，安逸樂而惡更張，誼遂受排擠，出爲長沙王太傅。渡湘水，爲文弔屈原。遷梁王太傅，以王墮馬死，誼自傷爲傳無狀，哭泣歲餘亦死，年三十三。誼爲漢初政論家、文學家。所上治安策（一名陳政事疏），通達政體，而文體猶未脫戰國縱橫之習氣；所作辭賦，亦屈、宋古賦之屬。今通行本有新書十卷，題賈誼撰，實則爲後人割裂誼流傳之作，編次而成，非漢志儒家五十八篇之原書。

【注釋】

〔一〕秦孝公，名渠梁，穆公十六世孫。自穆公後，秦之國勢，日趨衰微。至孝公用商鞅，務耕戰，遂致富強。殺，山名，秦塞有東殺、西殺，在今河南洛寧縣境。函，即函谷關，故關在今河南靈寶縣

南，新關在今新安縣東。自潼關以東，通稱函谷，即桃林塞也。〔二〕雍州，古九州之一，即今陝西、甘肅

及青海之一部。〔三〕八荒，八方荒遠之地也。〔四〕連衡，亦作連橫，爲戰國策士方術之稱，舊說以爲起

於張儀連六國以事強秦，韓非子五蠹篇所謂「橫者，事一強以攻眾弱」是也。然忠孝篇有「世人不言國法而言縱橫……山東之言縱橫，未嘗一日而止」之言，本文又稱商君佐秦孝公用「外連衡而鬪諸侯」之策，是則主

連衡之說者，固不專於張儀，特儀較爲有名耳。〔五〕西河，魏邑，今陝西大荔、宜川等縣地，以在黃河之

西，故名西河。〔六〕惠王，即惠文王，孝公之子，名駟。武王，惠文王之子，名蕩。〔七〕漢中，今陝西

秦嶺以南南郡等縣地。巴與蜀，古二國名。巴，今四川巴縣地；蜀，今四川成都等縣地。〔八〕孟嘗君，姓

田，名文，齊之公族，封於薛，相齊，以好客稱。平原君，名勝，趙之宗室。相趙，封於平原，亦以好客聞。春申君，姓黃，名歇，封於春申，相楚，食客三千，上客皆躡珠履。信陵君，名無忌，魏之宗室。信陵其封地也。禮賢下士，救趙存魏，在四公子中爲最賢。〔九〕合從，即合縱，與連衡同爲戰國策士遊說時君方

術之稱，舊稱起於蘇秦之合六國以抗強秦，韓非子五蠹所謂「從者，合眾弱以攻一強」是也。然據忠孝篇之言，乃亦策士所用之總名，特以蘇秦較爲著名耳。參閱上注〔四〕。〔一〇〕中山，戰國時之一小國，其故地在

今河北定縣。〔一一〕寧越，趙人，苦耕作之勞，乃發憤學十三年，周威公師之。徐尙，宋人。蘇秦，洛陽

人，有辯才。說燕、趙、齊、楚、韓、魏諸國，合縱拒秦，佩六國相印。杜赫，周人，以安天下說周昭文君。〔一二〕齊明，東周臣，後事秦、楚及韓。周最，東周太子，仕於齊。陳軫，夏人，歷仕秦、楚。昭滑，

楚臣，一作召滑。樓緩，魏相，魏文侯之弟。翟景，周人。蘇厲，蘇秦之弟，仕齊。樂毅，燕將，下齊七十餘城，封昌國君，後奔趙，封望諸君。〔一三〕吳起，衛人，初仕魯，後爲魏文侯將，又相楚悼王。孫臏，

孫武之後，齊將。臚，又一，上。帶佗，楚將。兒良、王廖，俱見呂氏春秋不二篇，原文云：『王廖貴先，兒良貴後，此二人者，皆天下之豪士也。』兒、與倪同。田忌，齊將。廉頗，趙將。惠文王時，破齊；孝

成王時，破燕。趙奢，趙人，爲田部吏，秦伐韓，求救於趙，趙以奢爲將，大破秦軍，號馬服君。〔一四〕

九國，謂韓、魏、燕、楚、齊、趙、宋、衛、中山也。按周慎觀王三年，楚、趙、魏、韓、燕同伐秦，攻函

谷關，秦出兵逆之，五國皆敗走。言九國者，甚秦之強也。〔一五〕漂，浮也；鹵與櫓通，大盾也。流血可

浮盾，言殺人之多。〔一六〕孝文王，昭襄王子，名柱，立一年卒。莊襄王，孝文王子，名子楚，立四年卒

。〔一七〕秦王，卽秦始皇。〔一八〕六世，指孝公、惠文王、武王、昭襄王、孝文王、莊襄王。〔一九〕

二周，東周、西周也。按西周滅於昭襄王，東周滅於莊襄王，實爲始皇以前事。〔二〇〕履至尊，謂踐帝位

也。六合，天地四方也。〔二一〕桂林，今廣西東北部。象郡，今廣西南部及安南地。〔二二〕秦始皇三十

四年，李斯以諸生不師今而學古，以非當世，惑亂黔首，奏請嚴禁，並請史官非秦紀皆燒之，非博士官所職

，天下敢有藏詩書百家語者，悉詣守尉雜燒之。〔二三〕鑠，音巨，同簣，用以懸鐘鼓之物。〔二四〕斬，

截也。華，讀去聲，卽陝西省中部偏南之華山。斬華爲城，謂地勢至此爲山截斷，卽以之爲城郭。一作踐。

津，水渡處，古嘗於津渡處察往來行人，故津關並稱。〔二五〕誰何，猶言莫敢奈何。〔二六〕陳涉，名勝

，陽城（今河南登封縣東南）人。嘗爲人傭耕，息於隴上，曰：『苟富貴，無相忘！』傭者曰：『若爲耕傭，

何富貴也？』涉歎曰：『燕雀安知鴻鵠之志哉！』二世元年，謫戍漁陽，行至大澤鄉，天雨，失期當斬，遂

與吳廣起兵，自立爲楚王。〔二七〕甕牖，以破甕口爲牖也；繩樞，以繩繫戶樞也；極言貧苦之狀。叱，與

氓同，田民也；隸，賤者之稱，猶今之徒役也。遷徙，謂戍漁陽也。〔二八〕陶朱，卽春秋時范蠡。蠡既爲

越滅吳，之陶，自稱陶朱公，治產積十年之久，三致千金。猗頓，春秋魯人，以鹽起家，十年之間，貲擬王

公。〔二九〕史記秦始皇本紀作什伯，謂什長，伯長也。漢書陳勝列傳及文選，什伯作阡陌。〔三〇〕贏糧，擔糧也。景，同影。景從，言如影之隨形也。〔三一〕鉏，同鋤。耰，一作耨，音憂；摩田之器。棘，同戟。矜，く一々，平；戟之柄。棘矜，戟柄也。〔三二〕鏐，音談；利也。句戟，有鉤之戟。鍛，尸牙，去翹，舉也。秦據雍州；此外六國所據者，爲揚、荆、豫、青、徐、亮、幽、冀等八州。

二 論貴粟疏

鼂錯

聖王在上，而民不凍飢者，非能耕而食之，織而衣之也；爲開其資財之道也。故堯、禹有九年之水，湯有七年之旱，而國無捐瘠者，以畜積多而備先具也。今海內爲一，土地人民之衆，不避「湯、禹」；加以亡天災數年之水旱，而畜積未及者，何也？地有遺利，民有餘力，生穀之土未盡墾，山澤之利未盡出也，游食之民，未盡歸農也。

民貧則姦邪生。貧生於不足；不足生於不農；不農則不地著；不地著則離鄉輕

家，民如鳥獸。雖有高城深池、嚴法重刑，猶不能禁也。夫寒之於衣，不待輕煖；飢之於食，不待甘旨；飢寒至身，不顧廉恥。人情一日不再食則飢，終歲不製衣則寒。夫腹飢不得食，膚寒不得衣，雖慈母不能保其子；君安能以有其民哉？明主知其然也，故務民於農桑，薄賦斂，廣畜積，以實倉廩，備水旱，故民可得而有也。

民者，在上所以牧之，趨利如水走下，四方亡擇也。夫珠、玉、金、銀，飢不可食，寒不可衣；然而眾貴之者，以上用之故也。其爲物輕微易臧，^{〔三〕}在於把握，可以周^{〔三〕}海內而亡飢寒之患。此令臣輕背其主，而民易去其鄉，盜賊有所勸，亡逃者得輕資也。粟米、布帛生於地，長於時，聚於力，非可一日成也。數石之重，中人弗勝，不爲姦邪所利；一日弗得而飢寒至。是故明君貴五穀而賤金玉。

今農夫五口之家，其服役^{〔四〕}者不下二人，其能耕者不過百畝。百畝之收，不過百石。春耕，夏耘，秋穫，冬藏，伐薪樵，治官府，給徭役。春不得避風塵，夏不得避暑熱，秋不得避陰雨，冬不得避寒凍。四時之間，亡日休息；又私自送往迎來，弔死問疾，養孤長幼在其中。勤苦如此，尙復被水旱之災，急政暴虐，賦斂不時；朝令而暮改^{〔五〕}，當其有者，半賈^{〔六〕}而賣，亡者取倍稱之息^{〔七〕}，於是有賣

田宅，鬻子孫，以償責者矣。而商賈大者積貯倍息，小者坐列販賣，操其奇贏，日遊都市，乘上之急，所賣必倍。故其男不耕耘，女不蠶織，衣必文采，食必粱肉；亡農夫之苦，有仟伯之得。因其富厚，交通王侯，力過吏執，以利相傾；千里遊敖，冠蓋相望，乘堅策肥，履絲曳縞。此商人所以兼併農人，農人所以流亡者也。

今法律賤商人，商人已富貴矣；尊農夫，農夫已貧賤矣。故俗之所貴，主之所賤也；吏之所卑，法之所尊也。上下相反，好惡乖迕，而欲國富法立，不可得也。方今之務，莫若使民務農而已矣。欲民務農，在於貴粟。貴粟之道，在於使民以粟爲賞罰。今募天下入粟縣官^{〔八〕}，得以拜爵，得以除罪；如此，富人有爵，農民有錢，粟有所漂^{〔九〕}。夫能入粟以受爵，皆有餘者也。取於有餘，以供上用，則貧民之賦可損，所謂損有餘，補不足，令出而民利者也。順於民心，所補者三：一曰主用足；二曰民賦少；三曰勸農功。今令：『民有車騎馬一匹者，復卒三人^{〔一〇〕}。』車騎者，天下武備也，故爲復卒。神農之教曰：『有石城十仞，湯池百步，帶甲百萬，而亡粟，弗能守也。』以是觀之，粟者，王者大用，政之本務。令民入粟受爵，至五大夫^{〔一一〕}以上，迺復一人耳，此其與騎馬之功相去遠矣。爵者，上之所擅，

出於口而亡窮；粟者，民之所種，生於地而不乏。夫得高爵與免罪，人之所甚欲也。使天下人入粟於邊，以受爵免罪，不過三歲，塞下之粟必多矣。

【題解】

漢書食貨志言：文帝卽位，躬修節儉，思安百姓；時民近戰國，皆背本趨末。賈誼上疏，勸

積貯，驅民歸農。上感誼言，始開籍田，躬耕以勸百姓。鼂錯復上疏，大要謂務農在於貴粟，貴粟在於使民以粟爲賞罰。疏上，文帝善其言，令民入粟於官，賜爵有差；後賜民十二年租稅之半；至景帝二年，令民半出田租，三十而稅一也。

【作者略歷】

鼂錯，漢潁川人。治申、商刑名之學，復受尙書於伏勝。文帝時，爲太子家令，以智

辯頗得太子寵任，號爲智囊。太子（景帝）立，錯官御史大夫，奏請削諸侯枝郡，吳、楚等七國起兵反，以誅錯爲名，景帝納袁盎之讒，斬錯於東市。錯亦爲漢初之政論家，與賈誼齊名。任昉文章緣起稱其對策爲後世策論之源，曰：『對賢良策，漢太史家令鼂錯。』文中子曰：『洋洋乎鼂、董、公孫之對。』蓋策莫盛於漢，漢策莫過於鼂大夫。鼂錯就事爲文，文簡徑明暢，事皆鑿鑿可行，賈太傅不及也。然其文體仍不脫戰國策士之習，漢初之散文作家大抵如此。

【注釋】

〔一〕不避，猶不讓也。〔二〕臧，同藏。〔三〕周，謂徧行。〔四〕服，從事也。服役，謂

給公事之役。〔五〕王念孫曰：『改，本作得，言急征暴賦，朝出令而暮已得。』案吳汝綸據日本庫唐寫本

漢書食貨志校正無改字，下句其作具，與上句相連，於具字絕句，亦通。〔六〕賈，讀曰價。〔七〕稱貸於人，利息加倍也。〔八〕縣官，謂朝廷也。〔九〕漂，音洩，散也。〔一〇〕復，免除也。顏注：『當爲卒者，免其三人。不爲卒者，復其錢。』案此令所以獎武也。〔一一〕五大夫，第九等爵名。

三 獄中上梁王書

鄒陽

臣聞『忠無不報，信不見疑』，臣常以爲然，徒虛語耳。昔者荊軻慕燕丹之義，白虹貫日，太子畏之〔一〕；衛先生爲秦畫長平之事，太白食昂，昭王疑之〔二〕。夫精誠變天地，而信不諭兩主，豈不哀哉！今臣盡忠竭誠，畢議願知，左右不明，卒從吏訛，爲世所疑；是使荊軻、衛先生復起，而燕、秦不悟也。願大王熟察之！昔玉人獻寶，楚王誅之〔三〕；李斯竭忠，胡亥極刑〔四〕。是以箕子陽狂〔五〕，接輿避世，〔六〕恐遭此患。願大王察玉人、李斯之意，而後楚王、胡亥之聽；毋使臣爲箕子、接輿所笑。臣聞比干剖心〔七〕，子胥鳴夷〔八〕，臣始不信，乃今知之。願大王熟察，少加憐焉！